

TEZAUUR LITURGIC
4 NOIEMBRIE

ACATISTUL
SF. CUVIOS
SIMON
DE LA
IUREVETK
I



MOSCOVA, 2000



Акафист

святому Симону, Юрьевецкому чудотворцу

Кондак 1

Избранный чудотворче и изрядный угодниче Христов, града Юрьевца хранителю, о душах наших усердный молитвенниче, Симоне блаженне, Христа ради юродивый, Юрьевецкий чудотворче! Восхваляем тя с любовью, изряднаго заступника и неустаннаго молитвенника нашего: ты же яко имея дерзновение ко Господу, паки и паки молися выну о спасении душ наших и от всяких бед избавляй нас, зовущих ти:

Радуйся, блаженный и праведный Симоне, Христа ради юродивый, Юрьевецкий чудотворче!

Икос 1

Ангелов подражателю и человеков житием своим наставниче, блаженне Симоне, в глубину сердца своего чистая приял еси словеса Господа

нашого Иисуса Христа: «Блажени нищии духом, яко тех есть Царствие Небесное; блажени кротции, яко тии наследят землю; блажени есте, егда поносят вам, и ижденут, и рекут всяк зол глагол на вы лжуще, Мене ради». Ты, святче Симоне, услышал еси и словеса святаго апостола Павла о юродстве Христа ради: «Кто из нас думает быти мудре в вѣце сем, той буди безумен». Ты, блаженне, свято и богоугодно пожил еси, неустанно подвизаяся в нищете, посте и молитве. Темже слышиши от нас благохваления таковая:

Радуйся, яко от утробы матерния предуготованный в чистое и непорочное жилище Духа Святаго; радуйся, града Юрьевца сокровище.

Радуйся, Богом Отцем предъизбранный; радуйся, Богом Сыном искупленный.

Радуйся, Богом Духом Святым освященный; радуйся, Господа Бога паче всего возлюбивый.

Радуйся, отца и мать свою ради Христа нашего оставивый; радуйся, зову Духа Благодати повинувыйся.

Ра́дуйся, себѣ отвергнѣйся ра́ди Христа́ Иису́са, Крѣст Христо́в на себѣ взѣмый; ра́дуйся, вслѣд Христа́ послѣдовавый.

Ра́дуйся, до конца́ жи́зни своея́ в терпе́нии и по́двизех неосла́бно пребы́вый; ра́дуйся, я́ко претерпева́я му́жественно вре́менная и настоя́щая ми́ра сего́, весели́лся еси́ бу́дущими и ве́чными.

Ра́дуйся, блаже́нный и пра́ведный Си́моне, Христа́ ра́ди юро́дивый, Юрье́вецкий чудотво́рче!

Конда́к 2

Ви́дя всеви́дящим о́ком Ца́рь Небе́сный тако́е твоѣ богоуго́дное начинáние и душеспаси́тельное намерѣние, я́ко вся́ земна́я и блага́я ми́ра сего́ за умѣты вмени́л еси́, преиспо́лни тя́, блаже́нне Си́моне, Своея́ вели́кия по́моци божѣственныя, посла́ ти́ Ду́ха Свята́го, Его́же божѣственными лучáми озари́вся сла́вно подъя́л еси́ вели́кий и тя́жкий по́двиг самоотверже́ния и юро́дства, непреста́нно поя́ Бо́гу: Аллилу́иа!

И́кос 2

Ра́зум неразумевáемый му́дрствующим плотска́я стяжа́л еси́, все́ се́рдце свое́ внедри́л еси́,

блаже́нне Сѣ́моне, в Небе́сная. Сего́ ра́ди вопи́ем ти:

Ра́дуйся, от ю́ности навѣ́кий богоуго́дному добронра́вию; ра́дуйся, возлю́бивый красоту́ До́ма Бо́жия и ме́сто селѣ́ния сла́вы Госпо́дни.

Ра́дуйся, изво́ливый приметáтися в До́му Бо́жии па́че, не́жели жи́ти в селѣ́ниях грѣ́шничих; ра́дуйся, в чи́сту же́ртву Бо́гови не те́ло то́чию, но и ду́шу всю́ свою́ прине́сый.

Ра́дуйся, всего́ себѣ́ в служѣ́ние Бо́гу вда́вый; ра́дуйся, всего́ себѣ́ на служѣ́ние Бо́гу преда́вый.

Ра́дуйся, я́ко за́поведи Бо́жия имѣ́л еси́ па́че ме́да и со́та души́ твоѣ́й; ра́дуйся, блаже́нне, я́ко уподо́бился еси́ дре́ву насажде́нному при исхо́дищих во́д, принося́щему пло́ды благоче́стия и свѣ́тости.

Ра́дуйся, го́рькую жесто́кость во́льнаго юро́дства па́че все́х сладких и мя́гких полюбѣ́л еси́; ра́дуйся, гла́са апо́стольскаго ве́рный послу́шателю.

Ра́дуйся, я́ко раче́нием го́рним возгре́лся еси́; ра́дуйся, я́ко свѣ́тии о́чи Христа́ Бо́га на́шего на тя́ ми́лостивно призре́ша.

Ра́дуйся, блаже́нный и пра́ведный Си́моне,
Христа́ ра́ди юро́дивый, Юрье́ецкий
чудоотво́рче!

Конда́к 3

Си́лою Ду́ха Свята́го се́рдце свое́ согрева́я,
блаже́нне Си́моне, возлю́бил еси́ Отца́ на́шего
Небе́снаго па́че роди́телей своих, изше́л еси́ из
до́ма оте́ческаго в де́бри лесны́я, в пу́стынь
ди́кую ра́ди Го́спода Бо́га Иису́са Христа́, на́с
ра́ди обнища́вшего, да и мы́ нището́ю Его́
обога́тимся и неуста́нно, и велегла́сно вопие́м
вы́ну: Аллилу́иа!

И́кос 3

Иму́ще в себе́ сосу́д избра́нный Свято́му Ду́ху,
блаже́нне Си́моне, поревнова́л еси́ жити́ю
чи́стому и свя́тости ве́лией, по́двигом
му́жественным дре́вних Росси́йских блаже́нных
и Христа́ ра́ди юро́дивых. Почита́юще си́е,
вопи́ем ти́ тако:

Ра́дуйся, о́бразе чистоты́ душе́вныя; ра́дуйся,
вельми́ по́двиги свои́ми плоть умертви́вый.

Ра́дуйся, кро́тости и смире́нию от са́мья
своея́ ю́ности научи́выйся; ра́дуйся, хо́лмы и
до́лы Юрье́ецкия исходил еси́ в зи́мнюю стужу́
и в зно́й ле́тний босы́ма нога́ма, в ве́тсем

рубищи, в дѣбрех же лесныхъ питаѣйся дѣкими плоды, сѣми дары Божіими.

Радуйся, яко нищетою своєю духовною посрамил еси богатства міра сего тленная; радуйся, посрамивый всю гордыню льстиваго диавола.

Радуйся, терпениемъ убо паче естественнымъ Христу подражая; радуйся, средѣ молвы некрадомо соблюдый к Богу добродѣтели своя.

Радуйся, яко в смиреніи твоѣмъ и немощехъ Христосъ прославися; радуйся, приявый отъ Подвигоположника Христа, Бога нашего, священныи даръ чудотворения.

Радуйся, многовременно болящия во мгновение ока преславно исцелявая; радуйся, и очесемъ болѣзнующимъ здравіе подавая.

Радуйся, блаженный и праведный Симоне, Христа ради юродивый, Юрьевецкий чудотворче!

Кондак 4

Бурю страстей победил еси, блаженне Симоне, своимъ велиимъ подвигомъ и насъ научил еси неустанно пѣти Господу Богу нашему: Аллилуиа!

И́кос 4

Слы́шавше, блаже́нне Симо́не, бли́жнии и да́льнии, я́же о юро́дствующем жити́и твоём, уди́вляху́ся и гото́ви бы́ша е́ще при жи́зни твое́я просла́вити тя́. Ты́ же, я́ко ища́й сла́вы Еди́наго Бо́га, бе́гал еси́ сла́вы, я́же от челове́к, скрыва́лся еси́ в ле́сах те́мных и дрему́чих. Вся́ же на по́льзу строя́й Бо́г просла́ви тя́, ве́рнаго раба́ своего́, и призва́ тя́ во гра́д Ю́рьевец, да сосу́д с со́люю и свети́льник све́та не оста́нется под спу́дом. Те́мже ра́дующеся и благогове́юще, вопи́ем ти́ си́це:

Ра́дуйся, я́ко со́ль еси́, жити́е на́ше и ве́ру на́шу бла́гостно осолева́яй; ра́дуйся, возсия́вый во гра́де Ю́рьевце, я́ко звезда́ пресве́тлая.

Ра́дуйся, я́ко в се́м гра́де Христо́с в тебе́ пресла́вно просла́вился; ра́дуйся, я́ко проро́к Бо́жий Иереми́а о гра́де Иерусали́ме, та́кожде и ты́ рыда́ше над гра́дом Ю́рьевцем, неща́дным огне́м пожира́емом.

Ра́дуйся, отону́ду же повиновáся ти́ о́гнь, запали́вый гра́д тво́й Ю́рьевец; ра́дуйся, и ны́не посеща́яй гра́д тво́й, почита́ющий тя́ любо́вию неусыпа́ющей.

Ра́дуйся, освяти́вый стопа́ма твои́ма тропы́ дре́вняго гра́да Ю́рьевца; ра́дуйся, входивы́й в до́мы ю́рьеве́цких лю́дий, пото́мци ко́их живу́т в ми́ре и благополу́чии под те́ми же кро́влями, освяще́нными твои́м пресла́вным пребыва́нием.

Ра́дуйся, обильны́я во́ды Во́лжския немо́кренно, я́ко по су́ху, чудеде́йственно преходи́л еси́; ра́дуйся, я́ко хотя́щая бы́ти прозорли́во предрека́л еси́.

Ра́дуйся, прозрэ́вый поги́бель супру́жницы воево́ды Ю́рьеве́цкаго, жесто́ко изгна́вшаго тя́ из до́му свое́го; ра́дуйся, просла́вльшему тя́ та́ко Го́споду Бо́гу.

Ра́дуйся, блаже́нный и пра́ведный Си́моне, Христа́ ра́ди ю́родивы́й, Ю́рьеве́цкий чудеотво́рче!

Конда́к 5

Боготе́чная звезда́ все́му на́шему кра́ю Во́лжскому яви́лся еси́, блаже́нне Си́моне, все́м бы́в о́браз жити́ем, беззло́бием, ду́хом, ве́рою, душе́вною чистото́ю и свя́тостию, науча́я все́х на́с серде́чно вопи́ти Го́споду Бо́гу: Аллилу́иа!

И́кос 5

Ви́девше мно́гия по́двиги твоя́ и чуде́сы твоя́ пресла́вная, блаже́нне Си́моне, вопи́ем ти́ си́це:

Ра́дуйся, мно́гая исцеле́ния ве́рно чту́щим тя́ многоми́лостивно подава́яй; ра́дуйся, до́брыми де́лы твои́ми все́х чту́щих тя́ подвиза́яй к прославлéнию Отца́, И́же е́сть на Небесе́х.

Ра́дуйся, твёрдый сто́лпе подви́жничества; ра́дуйся, я́ко младе́нцев приве́дыи мно́гих из чту́щих тя́ к ве́чному спасе́нию.

Ра́дуйся, подви́жничества, ю́родства, жа́жды и а́лчбы, и наготы́ о́бразе предивный; ра́дуйся, благо́е и́го и брeмя лёгкое Креста́ Христо́ва от мла́да возлюбивый.

Ра́дуйся, на земли́ а́нгельски пожи́вый; ра́дуйся, земный А́нгеле и Небе́сный челове́че.

Ра́дуйся, крoтостию и бла́гостию победи́вый сердца́ мно́гих; ра́дуйся, злобу́ лю́дий на ми́лость преложивый.

Ра́дуйся, благочестивы́я лю́ди в любве́ к Бо́гу укрепивый; ра́дуйся, мно́гия лю́ди от тяжких напа́стей и скорбе́й, и болéзней изба́вивый.

Ра́дуйся, блаже́нный и пра́ведный Си́моне,
Христа́ ра́ди юро́дивый, Юрье́вский
чудоотво́рче!

Конда́к 6

Пропове́дуемо и попремно́гу похваля́емо бы́сть
и́мя твоё, блаже́нне Си́моне, жити́е бо твоё, я́ко
звезда́ возсия́ пред Бо́гом и все́ми челове́ки,
науче́нными тобо́ю пе́ти Го́споду.
Просла́вльшему тя: Аллилу́иа!

И́кос 6

Возсия́, я́ко све́т неугаси́мый, по́двиги свои́ми
тя́жкими и пресла́вными, блаже́нне Си́моне,
те́мже восхваля́юще тя, вопие́м ти́ си́це:

Ра́дуйся, я́ко еди́ною уме́рый ми́рови не о
себе́ то́кмо, но и о бли́жних печа́лился еси́;
ра́дуйся, я́ко научи́л еси́ лю́ди, зря́ще по́двиги
твоя́, возложи́ти всю́ наде́жду свою́ в ми́ре се́м
тле́нном на еди́наго нетле́ннаго Бо́га Отца́
Вседержи́теля и Отца́ на́шего Небе́снаго.

Ра́дуйся, я́ко ты́ в пу́ти на́шем земне́м и
гре́шнем учи́тель, о́браз и приме́р служе́ния Бо́гу
безкоры́стием и самоотверже́нием яви́лся еси́;
ра́дуйся, я́ко по́двиги свои́ми укрепля́еши лю́ди
твоя́ в терпе́нии и нестяжа́нии.

Ра́дуйся, я́ко от ю́ности своея́ навы́кий поще́нию и на́с навча́еши воздержа́нию в пи́тии и пи́ще; ра́дуйся, я́ко свети́льник яви́лся еси́ горя́й и светя́й ве́рным сыно́м Це́ркве Христо́вы.

Ра́дуйся, я́ко ма́слина, в До́му Бо́жии насажде́нная; ра́дуйся, удосто́енный сто́яти у Престо́ла Го́спода Си́л в еди́ном ли́це со блаже́нными и пра́ведными Всеросси́йскими Васи́лием, Макси́мом и Иоа́нном Моско́вскими, Нико́лой блаже́нным, Иереми́ею и Матфе́ем прозорли́выми, Ти́хоном Лу́хским и Мака́рием У́нженским.

Ра́дуйся, животво́рную ро́су благода́ти Бо́жия в сердца́х на́ших одождева́яй; ра́дуйся, благо́я проше́ния на́ша ско́ро исполня́яй.

Ра́дуйся, ско́ро врачу́яй недугу́ющих, с ве́рою прося́щих у тебе́ исцелéния; ра́дуйся, ско́рый услы́шателю на́с, тя́ на по́мощь призы́вающих.

Ра́дуйся, блаже́нный и пра́ведный Си́моне, Христа́ ра́ди юро́дивый, Юрье́вецкий чудотво́рче!

Конда́к 7

Хотя́й диа́вол, се́й всезло́бный враг спасéния кия́ждо души́ челове́ческа́я, до́брому и свято́му жити́ю тво́емú помеша́ти, блаже́нне Си́моне,

ча́сто насыла́л на тя зло́бныя лю́ди, побива́вшыя тя и руга́вшыся над тобо́ю. Ты́ же стра́нника и пришельца в ми́ре се́м вре́меннем помышля́я себе́ бы́ти, от са́мых ю́ных лёт возлюбил еси́ по́двиги богоуго́дныя. И всельши́йся в чи́стое се́рдце твоё Ду́х Святы́й научи́ тя, чрез тебе́ и нас же пе́ти Бо́гу и Творцу́ нашему: Аллилу́иа!

И́кос 7

Дивный о нас моли́твенниче, за́поведи Госпо́дни сохрани́вый и в ве́лиих добродете́лех преуспе́вый, ты́, блаже́нне Си́моне, был еси́ ещё́ во плоти́ подража́тель сил безплотных жити́я своего́ чистото́ю и свя́тостию. Те́мже и мы́ со благоговéнием прино́сим ти́ благохвалéния тако́вая:

Ра́дуйся, терпели́вый душе́ю и ра́зумом целомудренны́й; ра́дуйся, ве́лий тру́жениче, ско́ро все́м ещё́ при жи́зни свое́й помога́й.

Ра́дуйся, всё своё тща́ние, жела́ние и попече́ние вложил еси́ не в забо́ту о себе́, а во вся́ческия услу́ги своим согра́жданом; ра́дуйся, и по отхо́де своем нас моли́твенною по́мощию не оставля́й.

Ра́дуйся, глубочайший кладезю драгоценнейшаго смирения; радуйся, чистоту́ души своея́ в велием подви́зе соблюды́й.

Ра́дуйся, яко не имей́ гдѣ главѹ подклонити, пространныя обители в райских селѣниях обрѣл еси́; радуйся, в алчбе и жа́жде всю́ свою́ земную́ жизнь проведы́й и обретьи́ безконечное насыщѣние в лицезрѣнии Божием.

Ра́дуйся, сосуде Ду́ха Свята́го избранный; радуйся, яко тебе́ молитвенное бдѣние бысть сон, и слѣзы о людех бысть сердечное упокоѣние.

Ра́дуйся, яко Юрьевецкий Богоявленский монастырь избрал еси́ излюбленнейшим мѣстом своея́ благодатныя молитвы; радуйся, яко от самыя юности своея́ распялся еси́ Господу, нас ради Распятому на Крестѣ Животворящем.

Ра́дуйся, блаженный и праведный Симоне, Христа́ ради юродивый, Юрьевецкий чудотворче!

Конда́к 8

Странное житиѣ твоѣ, блаженне Симоне, видяще, устрани́мся и мы́ сѹетнаго ми́ра. Ты́ же со все́ми небожители ны́не сликовству́еши у Престо́ла Божия. Та́м же пребыва́я, сподо́би и нас неуста́нно пѣти Господу́ Бо́гу: Аллилу́иа!

И́кос 8

Всё́ жити́е твоё́ Бо́гу посвяти́л еси́, блаже́нне Си́моне, и те́м обре́л еси́ Ца́рство Небе́сное. Дивя́щися вели́ким по́двигом твои́м, прино́сим ти́ похва́лы сия́:

Ра́дуйся, я́ко Го́спода Иису́са Христа́ все́м се́рдцем свои́м возлю́бил еси́; ра́дуйся, я́ко ду́шу свою́ моли́твенным бде́нием о лю́дех одожди́л и оживи́л еси́.

Ра́дуйся, я́ко тебе́ земля́ бы́сть ло́же мя́гкое, и ру́бище бы́сть желáнная оде́жда; ра́дуйся, я́ко не гневáтися на бли́жняго своего́ нас научáеши.

Ра́дуйся, го́рняго Иерусали́ма сы́не пречи́стый и пра́ведный; ра́дуйся, благо́ю нищету́ позна́вый и ны́не на ве́лием ло́жи Авраáмми почи́ваяй.

Ра́дуйся, крото́стию своёю и смире́нием свои́м зло́бу людску́ю побежда́яй; ра́дуйся, незло́бивый в несправедли́вых оби́дах.

Ра́дуйся, я́звы Христо́вы на себе́ носи́вый; ра́дуйся, подви́жнице неле́ностный.

Ра́дуйся, моли́твенниче о нас усер́дный; ра́дуйся, добродете́льным жити́ем ду́шу свою́ просвети́вый и те́м нас научи́вый.

Ра́дуйся, блаже́нный и пра́ведный Си́моне,
Христа́ ра́ди юро́дивый, Юрье́вский
чудо́творче!

Конда́к 9

Вся́кое естество́ челове́ческое, блаже́нне Си́моне,
дивя́ся неземны́м твои́м по́двигом, пе́ние
хвале́бное прино́сим ти́, да испро́сиши на́м у
Престо́ла Бо́жия оста́вление грехо́в на́ших
тя́жких. Да сконча́ем мы́ в пока́нии и до́бром
исправле́нии вре́менное жити́е си́е на́ше. Да
сподо́бимся моли́твами твои́ми несконча́емо
пе́ти Го́споду Бо́гу и Творцу́ на́шему: Аллилу́иа!

И́кос 9

Вити́и сладкозвучны́я не возмо́гут по досто́янию
восхва́лити по́двиги тво́я, блаже́нне Си́моне. Те́м
па́че мы́, убо́зии сло́вом и немо́щнии ра́зумом,
недоуме́ем кии́ми похва́льными пе́снями
восхва́лити тя́. Подвиза́емии же горя́чею
любо́вию к тебе́, дерза́ем венча́ти тя́ си́ми
слабоси́льными похва́лами:

Ра́дуйся, я́ко из де́тства и ю́ности свое́я в
подви́жническое служе́ние Го́споду Бо́гу
предна́значен бы́л еси́ свы́ше; ра́дуйся,
боже́ственными луча́ми Ду́ха Свята́го
озаре́нный.

Ра́дуйся, те́м укрепле́нный, благода́тныя исцелéния на́м источа́яй; ра́дуйся, по трудéх и по́двизех земных сла́дце на лóне пра́ведных опочивый.

Ра́дуйся, в Бо́зе упокоéние блаже́нное обретьи́; ра́дуйся, бисере драгоценный, сохраня́емый в Небéсней сокровищнице Христо́вой.

Ра́дуйся, от го́рних высóт к на́м земнорóдным ми́лостивно приника́яй;

ра́дуйся, ве́рный ра́бе Божéственнаго Домовлады́ки.

Ра́дуйся, искуше́ния бесóвския и ско́рби людския́ му́жески терпе́вый; ра́дуйся, за́поведи Христо́вы я́ко свéт стезя́м твоим имéвый.

Ра́дуйся, все́м земным и вре́менным пренебреги́й и все́ свое́ упова́ние на Творца́ нашего́ и Бо́га Ве́чнаго возложивый; ра́дуйся, в упова́нии своём святе́м от Отца́ Небéснаго не посрамле́нный.

Ра́дуйся, блаже́нный и пра́ведный Си́моне, Христа́ ра́ди юро́дивый, Юрьеве́цкий чудотво́рче!

Кондак 10

Спасти́ хотя́ мно́гия, блаже́нне Си́моне, яви́лся еси́ о́браз любве́ к Бо́гу, о́браз моли́твы, смире́ния и терпе́ния. Аще́ и по премно́гу грешни́и есмь́ мы, ве́руем же несумне́нно, я́ко мно́го мо́жет моли́тва твоя́ пред Бо́гом о спасе́нии ду́ш на́ших, да и мы́ воспева́ем в го́рном ми́ре Всесла́вному Бо́гу на́шему во Святе́й Трои́це сла́вимо́му сладкозвучное́ и а́нгельское: Аллилу́иа!

И́кос 10

Стена́ еси́ все́м похваля́ющим тя́, блаже́нне Си́моне, Царя́ Небе́снаго́ и Бо́га на́шего ве́рный ра́бе и уго́днице. Покажи́ на нас моли́тв твои́х благода́тное де́йство, не лиши́ нас Небе́снаго твоего́ заступле́ния в жи́зни на́шей земно́й, в час кончи́ны на́шей и по кончи́не на́шей да зове́м ти́ всехва́лебно:

Ра́дуйся, гра́да на́шего неусы́пный моли́твенниче́ и за́щитителю́; ра́дуйся, я́ко боля́щим и тебе́ моля́щимся благода́тию Свята́го Ду́ха исцеле́ния исто́чаеши́ и здра́вие да́руеши.

Ра́дуйся, я́ко кра́сная ми́ра сего́ презре́л еси́, и обре́л еси́ Небе́сное зла́то; ра́дуйся, теле́сныя стра́сти огне́м возде́ржания́ по́паливый.

Ра́дуйся, нищеты́ и нестяжа́ния любите́лю;
ра́дуйся, я́ко свята́я пше́ница боже́ственного
гумна́ Христо́ва в житни́цы небе́сныя от сама́го
своего́ рождéния предо́пределён бы́л еси́.

Ра́дуйся, я́ко суеты́ мирскія избе́гл еси́ и
соблю́л еси́ в чистоте́ ду́шу свою́; ра́дуйся,
ни́жняя земна́я презре́вый и все́ю душе́ю свое́ю
прилепи́выйся вы́шнему Небе́сному.

Ра́дуйся, я́ко душа́ твоя́ богобоя́зненная и
смирéнная Престо́лу Бо́жию предсто́ит; ра́дуйся,
я́ко тебе́ земно́му страда́льцу райскій поко́й
дарова́лся еси́.

Ра́дуйся, я́ко тебе́, не иму́щему гдé главы́
подклони́ти, угото́вася Небе́сное жили́ще;

ра́дуйся, я́ко за скита́ния твоя́ в юро́дстве
проводима́я, вене́ц от Го́спода получи́л еси́.

Ра́дуйся, блаже́нный и пра́ведный Си́моне,
Христа́ ра́ди юро́дивый, Юрье́вецкий
чудотво́рче!

Конда́к 11

Пе́ние всеумилéнное прино́сим ти́, блаже́нне
Си́моне, я́ко во свéтлостех свята́х водвори́вся,
сла́дце поéши Христу́ Бо́гу на́шему: Аллилу́иа!

И́кос 11

Свѣтлая чудеса́ восхваля́юще, восхваля́ем и сла́вныя по́двиги твоя́ блаже́нне Си́моне. Та́ко устрои́ся Бо́жиим изволе́нием, и я́коже обы́кл еси́, в преподо́бии и пра́вде дни́ и но́щи рабо́тал еси́ Бо́гови. Мы́ же прославля́юще просла́вльшаго́ся в тебе́ Го́спода, вопи́ем ти́ сице:

Ра́дуйся, собо́ю яви́вый, я́ко честна́ пред Го́сподем сме́рть преподо́бных Его́; ра́дуйся, я́коже дрѣвний Ла́зарь в лю́тых ра́нах в не́дра Авраа́мля пресели́лся еси́.

Ра́дуйся, в сла́вных не́дрех Авраа́млих и ны́не утеша́йся; ра́дуйся, по кончи́не свое́й собра́вый ко святе́й гробни́це свое́й вели́кое мно́жество правосла́вных люде́й.

Ра́дуйся, я́ко в торже́ственнем и велеле́пнем погребѣ́нии твоѣ́м возъимѣ́ли прия́ти уча́стие мно́жество духо́венства и ты́сящи гра́ждан гра́да Ю́рьевца, та́кожде окрѣ́стных гра́дов и ве́сей; ра́дуйся, я́ко благодарни́и лю́дие срето́ша, и умилѣ́нно сопровожда́ху гробъ́ тво́й честны́й.

Ра́дуйся, я́ко вси́ лю́дие Ю́рьеве́цкии прия́ша тя́ любѣ́зне, я́ко ве́лия пра́ведника Бо́жия;

ра́дуйся, а́бие по преста́влении твоём но́выя пото́ки чуде́с яви́вый.

Ра́дуйся, и чрез ве́ки принося́й лю́дем ве́лий да́р исцеле́ний; ра́дуйся, я́ко путе́м у́зким пра́во по землі шество́вал еси́, и те́м путе́м Ра́я Божество́ннаго дости́гл еси́.

Ра́дуйся, я́ко убо́гий и мно́гими поруга́емый во оде́жды свя́тости оболки́йся; ра́дуйся, днёсь мно́жество ве́рных собира́я ко святы́м образо́м твои́м.

Ра́дуйся, блаже́нный и пра́ведный Си́моне, Христа́ ра́ди юро́дивый, Юрье́вецкий чудотво́рче!

Конда́к 12

Благода́ть, ю́же даде́ ти Госпо́дь, блаже́нне Си́моне, днёсь собра́ нас, да почти́м ели́ко возмо́жем святу́ю па́мять твою́. Образо́м свята́го и богоуго́днаго жити́я свое́го и нас к богоуго́дному и чи́стому жити́ю зове́ши, и науча́еши нас пе́ти Го́споду Бо́гу а́нгельскую пе́снь: Аллилу́иа!

И́кос 12

Пою́ще чуде́са твоя́, блаже́нне Си́моне, восхваля́ем по́двиги и труды́ твоя́ во сла́ву

Бо́жию творимы́я, ублажа́ем святу́ю кончи́ну твою́, почита́ем заступле́ние твоё о нас пред Престо́лом Бо́жиим. Велича́ем Вели́каго Подате́ля все́х бла́г земны́х и Небе́сных Го́спода Бо́га, дарова́вшего нам то́лькое мно́жество сла́вных и дивны́х подви́жников Христо́вых, и со умиле́нием зове́м ти́:

Ра́дуйся, терпе́нием и незло́бием своимъ вельми́ угоди́л еси́ Распя́тому на Кресте́ Го́споду Иису́су; ра́дуйся, я́ко по́двигами воздержáния и повседне́вным безстра́тием своимъ благода́тию Бо́жией обогати́лся еси́.

Ра́дуйся, ве́рный Христо́в уго́днике; ра́дуйся, я́ко тму́ тму́щую кова́рных бесо́в от себе́ отгна́л еси́; ра́дуйся, в добродéтелех благоиску́сный.

Ра́дуйся, я́ко на плещу́ святы́х добродéтелей равноа́нгельскихъ в го́рняя подъя́т бы́л еси́; ра́дуйся, я́ко бесо́м нечи́стымъ чистото́ю своея́ души́ стра́шен бы́л еси́, А́нгеломъ же собесéдникъ яви́лся еси́ и с ними́ ко Престо́лу Тро́ицы Святы́я воспари́л еси́.

Ра́дуйся, рая́ Иису́сова крине́ неувяда́емый; ра́дуйся, я́ко ве́лиимъ смире́нием своимъ попра́л еси́ бесы́ гнева́ и го́рдости.

Ра́дуйся, терпе́нием уда́ры и посмея́ния люде́й неразу́мных я́ко общежи́тие с А́нгельскими си́лами обре́л еси́; ра́дуйся, любя́щих и чту́щих тя́ прісно́е ра́дование.

Ра́дуйся, во благоуха́нии свѣтости сво́ей в богоспаса́емом гра́де Ю́рьевце тѣлом сво́им почива́яй.

Ра́дуйся, блаже́нный и пра́ведный Си́моне, Христа́ ра́ди юро́дивый, Ю́рьеве́цкий чудотво́рче!

Конда́к 13

Опреде́вный и пречу́дный, блаже́нный и пра́ведный, Христа́ ра́ди юро́дивый Си́моне, Ю́рьеве́цкий чудотво́рче! Приими́ си́е ма́лое моли́твенное приноше́ние на́ше, и стоя́ во свѣтѣ́й чистоте́ сво́ей у Престо́ла Бо́жия, умоли́ Го́спода Вседержи́теля, да ниспо́слет То́й на́м ми́р и здра́вие, и во все́м благо́е поспеше́ние. Да просла́вится и́мя Его́, во свѣтѣ́х сво́их Дивна́го, всегда́, ны́не и прісно́ и во ве́ки веко́в. Ами́нь.

Этот конда́к чита́ется три́жды, затѣ́м и́кос 1 и конда́к 1.

Моли́тва

Моли́тва твоя́ несумне́нно многомо́щна у Престо́ла Бо́жия, сего́ ра́ди и прибега́ем к тебе́, помо́щнику и засту́пнику на́шему, блаже́нный и пра́ведный Си́моне, Христа́ ра́ди юро́дивый, Юрье́вецкий чудотво́рче! Мо́лим тя́, моли́ся о на́с Го́споду Бо́гу: да изба́вит Он наро́д сво́й от вся́ких бе́д и зол. Да по́слет на́м Вседержи́тель ми́р и благоде́нствие, здра́вие и изоби́лие плодо́в земны́х. Да помо́жет на́м твои́ми святы́ми моли́твами, искорени́ти из серде́ц на́ших богопроти́вную го́рдость и само́мне́ние. Да всели́т Он в сердца́ на́ша любо́вь к Нему́ и к лю́дем, ду́х целому́дрия, смире́ния, терпе́ния и кро́тости. Моли́ся за на́с грешны́х, да сотре́т Госпо́дь Бо́г стра́шное рукописа́ние грех на́ших безме́рных, да сподо́бит Он на́с в безконе́чной ве́чности пе́ти Ему́: Аллилу́иа! Предсто́я Свято́му Престо́лу Бо́жию, моли́ся Отцу́ на́шему Небе́сному, да угаси́т Он горя́щую пе́щь о́гненных страсте́й на́ших. Ты́ просла́вился еси́ чудесы́ твои́ми! Те́мже мо́лим тя́: исцели́ и на́ша недуги́ телесны́я и душе́вны́я, да здра́ви воспо́ем и восхва́лим просла́вльшаго тя́ Го́спода Иису́са во ве́ки веко́в. Ами́нь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

†

НОВОЕ
НЕБО